

CONVENIO DE COLABORACIÓN ENTRE A UNIVERSIDADE DE SANTIAGO DE COMPOSTELA E A ASOCIACIÓN GALEGA DA PROPIEDADE BALNEARIA PARA A CREACIÓN DA CÁTEDRA INSTITUCIONAL DE “HIDROLOXÍA MÉDICA, USC- BALNEARIOS DE GALICIA”

En Santiago de Compostela, a 30 de novembro de 2009.

REUNIDOS

Dunha parte, D. **Senén Barro Ameneiro**, en nome e representación da Universidade de Santiago de Compostela (USC), da que é Reitor Magnífico en virtude do seu nomeamento efectuado polo Decreto 93/2006, de 1 de xuño (DOG de 8 de xuño) actuando coas atribucións que lle confire o artigo 87 dos Estatutos da Universidade de Santiago de Compostela.

E, doutra parte, D. **Rafael Lúaña de la Viña**, en nome e representación da Asociación Galega da Propiedade Balnearia, da que é Presidente por acordo tomado pola Asamblea en 30 de xuño de 2005, actuando en virtude das atribucións que ten conferidas estatutariamente.

Os intervinetes recoñécense recíprocamente a plena capacidade xurídica e de obrar, así como a representación que respectivamente ostentan, asegurando que continúan vixentes nesta data os seus respectivos apoderamentos, e que teñen atribuídas as facultades suficientes para contratar e obligarse, polo que, para ese efecto

MANIFESTAN

1. Que a USC é unha institución de dereito público que ten como finalidade a prestación do servicio público da educación superior mediante a docencia, o estudio e a investigación.
2. Que a Asociación Galega da Propiedade Balnearia é unha asociación empresarial que ten entre os seus obxectivos a protección e promoción do termalismo.



3. Que a Asociación Galega da Propiedade Balnearia está interesada en promover a docencia, a investigación, o desenvolvemento e a innovación da Hidroloxía Médica, polo que desexa colaborar coa USC creando conxuntamente a Cátedra de Hidroloxía Médica USC - Balnearios de Galicia, dentro da Facultade de Medicina.

En virtude do exposto, e co obxecto de fixar as condicións segundo que se rexerá tal colaboración, ambas partes conveñen celebrar o presente convenio de conformidade coas seguintes

CLÁUSULAS

PRIMEIRA.- Obxecto.

O obxecto do presente Convenio é regular as condicións segundo as cales se rexerá a Cátedra de Hidroloxía Médica USC-Balnearios de Galicia (en adiante denominada "Cátedra", a cal é creada no presente acto porlas dúas partes, coa finalidade de fomentar a docencia, investigación e difusión dos coñecementos no campo da Hidroloxía Médica.

SEGUNDA.- Obxectivos.

Todas as actividades da Cátedra estarán dirixidas á concesión dos seguintes obxectivos:

- a) A realización de cursos, seminarios, conferencias e outras actividades académicas redunden na difusión, o coñecemento e a práctica da Hidroloxía Médica.
- b) A promoción e organización de outras actividades académicas contribúan a facilitar a reflexión e o debate médico entre profesores e médicos de balnearios, co fin de acadar o seu mutuo enriquecemento intelectual e a mellora da súa formación médica e universitaria, así como a dos alumnos da Facultade de Medicina.
- c) A colaboración con profesores e Departamentos da Universidade de Santiago de Compostela en todo aquilo que favoreza a formación integral dos alumnos.
- d) Promover a investigación no campo da Hidroloxía Médica.
- e) Favorecer a difusión e o coñecemento das investigacións realizadas mediante publicacións e outras accións de comunicación.



- f) A creación e mantemento dun fondo bibliográfico e documental sobre as materias específicas da Hidroloxía Médica e as disciplinas con ela relacionadas.
- g) Facilitar a inserción profesional dos estudiantes da USC participando, no seu caso, nas actividades realizadas pola Cátedra.
- h) Procurar que a Hidroloxía Médica se vincule cada vez más estreitamente coa formación das promocións de médicos formadas na Universidade de Santiago de Compostela.
- i) Fomentar a colaboración entre a USC e o sector profesional sanitario.

A Cátedra servirá, así mesmo, como instrumento para favorecer a colaboración entre investigadores, profesores e profesionais de renome internacional, tanto cos profesores e investigadores da USC como cos médicos vencellados á Asociación Galega da Propiedade Balnearia.

As actividades da Cátedra desenvolveranse en castelán, galego e inglés, e en calquera outro idioma que se considere idóneo.


TERCEIRA.- Dirección da Cátedra

A Dirección da Cátedra estará constituída por:

- Director da Cátedra, que será nomeado pola Universidade de Santiago de Compostela.
- Codirector, que será nomeado pola Universidade de Santiago de Compostela a proposta da Asociación Galega da Propiedade Balnearia

Serán funcións da Dirección da Cátedra:

- Elaboración, organización e desenvolvemento da programación anual de actividades e proxectos propios da Cátedra que previamente valide a Comisión de Seguimiento da Cátedra.
- Elaboración e xestión económica dos presupostos anuais necesarios para o desenvolvemento da programación de actividades.



- Presentación á Comisión de Seguimento da memoria anual de actividades e da memoria económica da Cátedra.
- Presentar á Vicerreitoría de Política Internacional mostras dos materiais divulgativos e publicitarios que se elaboren dentro do ámbito de actividade da Cátedra.

CUARTA.- Comisión de Seguimento da Cátedra

A efectos de favorecer o establecemento dunha comunicación fluída entre a USC e a Asociación Galega da Propiedade Balnearia, co obxectivo de satisfacer as súas necesidades e mellorar a promoción e o seguimento das actividades e presupostos que se desenvolvan dentro do ámbito de actuación da Cátedra, constituirase a Comisión de Seguimento paritaria.

A súa composición será a seguinte:

Pola USC:

- Vicerreitor de Política Internacional ou persoa en quen delegue, que presidirá as reunións desta Comisión.
- Os membros da Dirección da Cátedra.
- O Decano da Facultade de Medicina e Odontoloxía, ou persoa en quen delegue
- Dous profesores da Facultade de Medicina e Odontoloxía que, por razón da materia, puideran estar vencellados á actividade da Cátedra.

Pola Asociación Galega da Propiedade Balnearia:

- O Presidente/a da Asociación ou a persoa na que delegue, sempre que teña relación laboral cunha empresa balnearia integrante da Asociación.
- O Vicepresidente/a da Asociación ou a persoa na que delegue, sempre que teña relación laboral cunha empresa balnearia integrante da Asociación.
- O Secretario/a da Asociación ou a persoa na que delegue, sempre que teña relación laboral cunha empresa balnearia integrante da Asociación.



- O Tesoureiro/a da Asociación ou a persoa na que delegue, sempre que teña relación laboral cunha empresa balnearia integrante da Asociación.
- O Vocal da Asociación ou a persoa na que delegue, sempre que teña relación laboral cunha empresa balnearia integrante da Asociación.
- O Xerente/a da Asociación.

Corresponderá á Comisión de Seguimento:

- Validar a programación de actividades da Cátedra.
- Recibir información puntual sobre a marcha das actividades e proxectos programados.
- A revisión, avaliación e aprobación da memoria anual de actividades e proxectos da Cátedra.
- A revisión, avaliación e aprobación da memoria económica anual de actividades da Cátedra.
- A autorización e establecemento das condicións de intervención doutras entidades que queiran colaborar na realización desas actividades.
- Deliberar sobre calquera cuestión que poida xurdir relacionada coa cátedra.


Os membros da Comisión Directiva deberán tomar todas as súas decisións por maioria de dous tercios.

QUINTA.- Actividades da Cátedra.

A Dirección da Cátedra elaborará un Plan Anual de Actividades da Cátedra.

Cada actividade realizarase de acordo cos termos e condicións que se contemplen no correspondente proxecto, que deberá conter, como mínimo, os seguintes aspectos:

- a) Definición do obxectivo que se persegue.
- b) Descripción do plan de traballo, que incluirá as distintas fases do mesmo e a cronoloxía do seu desenvolvemento.
- c) Presuposto total desglosado por conceptos.



- d) Medios materiais e humanos que requira a actividade.
- e) Normas para a coordinación, execución e seguimento do proxecto.
- f) Nome da persoa designada respectivamente pola Universidade e pola Asociación Galega da Propiedade Balnearia responsables da actividade.

SEXTA.- Obrigas da USC.

A Facultade de Medicina da Universidade de Santiago de Compostela proporcionará o espacio físico e os medios materiais necesarios para o desenvolvimento das actividades da Cátedra.

SÉTIMA.- Obrigas da Asociación Galega da Propiedade Balnearia.

A Asociación Galega da Propiedade Balnearia financiará a Cátedra cunha aportación fixa anual de trinta mil euros (30.000 €), ingresando esta cantidade á USC na sinatura do presente convenio.

O resto de aportacións anuais efectuaranse no primeiro trimestre de cada ano natural.

Poderanse realizar plans de financiación da Cátedra por parte de terceiros interesados en colaborar coas actividades da mesma, así como solicitudes de financiación en convocatorias públicas.

OITAVA.- Difusión das actividades.

As partes, de mutuo acordo, acordarán as accións de comunicación oportunas para a difusión dos resultados das investigacións realizadas no marco das actividades da Cátedra.

En todas as comunicacións públicas das actividades da Cátedra, en publicacións ou noutros medios de difusión, deberá constar a colaboración entre a USC e a Asociación Galega da Propiedade Balnearia.

NOVENA.- Titularidade dos dereitos de propiedade intelectual .

Todos os dereitos de explotación dos traballos de investigación realizados no marco da Cátedra durante a vixencia do presente convenio pertencerán conjuntamente á USC e á



Asociación Galega da Propiedade Balnearia, debéndose citar ós investigadores na súa calidade de autores.

DÉCIMA.- Vixencia do Convenio.

O presente Convenio entrará en vigor o día da súa sinatura e terá unha vixencia dous anos, renovable automaticamente por un período similar, a non ser que unha das partes notifique á outra o seu desexo de dalo por concluído cunha antelación mínima de tres meses antes da súa data de conclusión.

UNDÉCIMA.- Novación.

Ningunha das partes poderá ceder a un terceiro os dereitos e obrigas adquiridas en virtude do presente convenio, salvo expresa autorización por escrito da outra parte contratante.

Así mesmo, calquera modificación que as partes acorden realizar sobre o presente convenio deberase formalizar por escrito.

DUODÉCIMA.- Dereito aplicable.

O presente convenio ten natureza administrativa, dado o carácter público da Universidade, e rexerase polo disposto no seu clausulado e pola Lei 30/1992 de Réxime Xurídico das Administracións Públicas e do Procedemento Administrativo Común.

DÉCIMO TERCEIRA.- Resolución de controversias.

As partes comprométense a realizar todos os esforzos razonables para resolver de xeito amigable a través da Comisión de Seguimento, calquera desacordo que se puidese derivar da interpretación ou execución deste convenio. .

No caso de que as partes non puidesen resolver amigablemente as controversias, sométense expresamente á arbitraxe institucional do Tribunal Arbitral da Coruña, encomendando ó mesmo a designación de árbitros e a administración da arbitraxe, e obligándose a cumplir a decisión arbitral.





Disposición final.

O presente convenio constitúe o acordo íntegro e definitivo das partes respecto da materia obxecto do mesmo, substituíndo e anulando a toda correspondencia, cartas de intencións e acordos verbais ou escritos que previamente poidan existir entre as partes.

En proba de conformidade coas anteriores estipulacions, ambas partes asinan por duplicado e a un só efecto o presente convenio en cada unha das sete páxinas de que consta, escritas por unha soa das súas caras, en Santiago de Compostela, a 30 de novembro de 2009.

**Pola Universidade de
Santiago de Compostela**
O Reitor

A blue ink signature of Senén Barro Ameneiro, which includes a stylized representation of the university's seal.

Senén Barro Ameneiro

**Pola Asociación Galega da
Propiedade Balnearia**
O Presidente

A blue ink signature of Rafael Luaña de la Viña.

Rafael Luaña de la Viña